

T-14

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u vezi sa članom 25. Zakona o visokom obrazovanju („Službene novine Zeničko-dobojskog kantona”, broj: 6/09, 9/13, 13/13, 4/15 i 5/18), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 48. sjednici, održanoj dana 13.03.2020. godine, d o n o s i

ZAKLJUČAK

o usvajanju Odluke o usvajanju Elaborata o pokretanju studijskog programa Poslovna ekonomija, trećeg ciklusa studija, na Ekonomskom fakultetu Univerziteta u Zenici

I.

Utvrđuje se Prijedlog Odluke o usvajanju Elaborata o pokretanju studijskog programa Poslovna ekonomija, trećeg ciklusa studija, na Ekonomskom fakultetu Univerziteta u Zenici.

II.

Prijedlog odluke iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02- 34-4192 /20
Datum, 13.03.2020. godine
Zenica

DOSTAVLJENO:

- 1x Ministarstvo za obrazovanje, nauku, kulturu i sport,
- 1x Univerzitet u Zenici, Rektorat, Fakultetska 3 (putem Ministarstva),
- 1x Stručna služba Skupštine,
- 1x a/a.



PRIJEDLOG

Na osnovu člana 37. stav 1. tačka f) Ustava Zeničko-dobojskog kantona, a u vezi sa članom 25. Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13, 4/15 i 5/18), Skupština Zeničko-dobojskog kantona, na ____ sjednici, održanoj _____ 2020. godine, donosi

ODLUKU

o usvajanju Elaborata o pokretanju studijskog programa Poslovna ekonomija, trećeg ciklusa studija, na Ekonomskom fakultetu Univerziteta u Zenici

Član 1.

(Predmet odluke)

Usvaja se Elaborat o pokretanju studijskog programa **Poslovna ekonomija**, trećeg ciklusa studija, na Ekonomskom fakultetu Univerziteta u Zenici

Član 2.

(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 02-_____/20.

Datum,
Z e n i c a

PREDSJEDAVAJUĆI

Čazim Huskić

DOSTAVLJENO:

- 1x Ministarstvo za obrazovanje, nauku, kulturu i sport,
- 1x Univerzitet u Zenici - Rektorat, Fakultetska 3, (putem Ministarstva),
- 1x a/a.



Obrazloženje

Pravni osnov

Pravni osnov za uvođenje novog studijskog programa utvrđenog u Elaboratu o pokretanju studijskog programa **Poslovna ekonomija**, treći ciklus studija (doktorski studij) na Ekonomskom fakultetu Univerziteta u Zenici sadržan je u Odluci Upravnog odbora Univerziteta u Zenici, broj: 01-01-1-4722/18 od 25.12.2018. godine, o prihvatanju inicijative Senata Univerziteta u Zenici o usvajanju Elaborata o opravdanosti pokretanja studijskog programa Poslovna ekonomija, Odluci Senata Univerziteta u Zenici, broj: 01-02-1-4374/18 od 28.11.2018. godine, o usvajanju Elaborata o organizovanju i finansiranju studijskog programa trećeg ciklusa studija (dokorskog studija) na Ekonomskom fakultetu Univerziteta u Zenici i Prijedlogu odluke Naučno-nastavnog vijeća Ekonomskog fakulteta Univerziteta u Zenici, broj: 06-200-001-829/ 18 od 01.11.2018. godine, o usvajanju Elaborata o organizovanju i finansiranju studijskog programa trećeg ciklusa studija (dokorskog studija) na Ekonomskom fakultetu Univerziteta u Zenici, a u vezi sa članom 64. Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13, 4/15 i 5/18). Elaborat se putem Ministarstva za obrazovanje, nauku, kulturu i sport Zeničko-dobojskog kantona upućuje u daljnju proceduru dobijanja saglasnosti od strane Osnivača

Pravni osnov za donošenje ove odluke temelji se na članu 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) i na članu 25. Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13, 4/15 i 5/18).

Razlozi za donošenje

Razlozi za donošenje Elaborata o organizovanju i finansiranju studijskog programa trećeg ciklusa studija (dokorskog studija) Ekonomskog fakulteta Univerziteta u Zenici sadržani su u Zakonu o visokom obrazovanju („Službene novine Zeničko-dobojskog kantona“, broj: 6/09, 9/13, 13/13, 4/15 i 5/18), Statutu Univerziteta u Zenici i Pravilniku o organizovanju dodiplomskog, magistarskog i dokorskog studija Univerziteta u Zenici, a prevashodno se odnose na:

1. Stvaranje pretpostavki za reakreditaciju Univerziteta u Zenici i studijskih programa, jer uslov za to je organizovanje studija prvog, drugog i trećeg ciklusa;
2. Omogućavanje vertikalne nadogradnje u obrazovanju za studente koji su završili prvi i drugi ciklus studija. Naime, studijski program trećeg ciklusa studija je u oba svoja modula kompatibilan sa studijskim programima I i II ciklusa studija na Ekonomskom fakultetu.

Finansijski pokazatelji

Cijeneći načela samoodrživosti studija po pitanju finansiranja inkrementalnog troška i gotovinske raspodjele utrošenih resursa po fazama studija naspram ostvarenih vlastitih prihoda po osnovi ugovorenih i uplaćenih školarina, proveden je izračun ukupnog troška, nedjeljivog i jediničnog troška po kandidatu, visine vlastitih prihoda prema broju upisanih kandidata ukupno i po godinama studija i izračuna viška prihoda nad rashodima.



Troškovi grupe po osnovu obvezne nastave na prvoj godini studija iznose 25.979 KM i uz troškove objavljivanja konkursa, naknadu za rad voditelja doktorskog studija i procijenjenih godišnjih administrativnih troškova (utrošena energija, materijal i komunikacije) iznosi 33.509 KM. Navedeni iznos predstavlja trošak prve godine, koji nije moguće amortizirati u narednim fazama.

Prema predloženoj klasifikaciji troškova, troškovi koji se mogu izračunati po kandidatu za kandidate polaznike cjelokupnog trogodišnjeg studija (kojima se ne priznaju prethodno stečeni ECTS krediti) iznosi 9.309 KM, a odnose se na troškove mentora i rada komisija. Time ujedno i bruto profitabilna margina po jednom kandidatu iznosi 38.0%.

U konačnici, promatrano na razini cjelokupnog studija, uzimajući u obzir pretpostavku da svi upisani kandidati uspješno ispunjavaju finansijske i akademske obaveze studija, procijenjeno je daje doktorski studij u potpunosti samoodrživ sa upisanih 11 i više kandidata (tačka pokriva 10,5 kandidata).

Stoga, studijski programa Poslovna ekonomija, treći ciklus studija (doktorski studij), po izvršenom proračun ekonomske opravdanosti pokretanja i provedbe doktorskog studija vidljivo je:

- da se doktorski studij pokreće bez sredstava budžeta, tj. sredstvima polaznika doktorskog studija,
- daje početna cijena doktorskog studija 15.000 KM za polaznike sa 300 ECTS i 10.000 KM za polaznike sa 360 ECTS,
- da je doktorski studij uz sve ukalkulirane troškove u Elaboratu, u potpunosti samoodrživ uz minimalan broj polaznika 11 polaznika (10,5).

fz



Broj: 01-01-1-4722/18
Zenica, 25.12.2018. godine

Na osnovu člana 51. tačka m), u vezi s članom 53. stav (2) tačka i) Zakona o visokom obrazovanju ("Službene novine Zeničko-dobojskog kantona", broj: 6/09, 9/13, 13/13, 4/15 i 5/18), člana 19. stav 2. alineja 13., u vezi s članom 19.a stav 2. alineja 10. Zakona o javnoj ustanovi Univerzitet u Zenici ("Službene novine Zeničko-dobojskog kantona", broj: 6/05, 11/06, 6/09, 10/11, 16/11, 15/12, 13/13, 6/16, 9/17, 13/17 i 10/18), kao i člana 57. stav (1) tačka r), u vezi s članom 63. stav (2) tačka m) Statuta Univerziteta u Zenici (Prečišćeni tekst), te u skladu s Odlukom Senata Univerziteta u Zenici o usvajanju Elaborata o organizovanju i finansiranju studijskog programa trećeg ciklusa studija (dokorskog studija) na Ekonomskom fakultetu Univerziteta u Zenici, broj: 01-02-1-4374/18 od 28.11.2018. godine, Upravni odbor Univerziteta u Zenici, imenovan Rješenjem Vlade Zeničko-dobojskog kantona, broj: 02-38-8779/18 od 24.05.2018. godine, na svojoj 06/18 sjednici, održanoj 25.12.2018. godine, donio je

ODLUKU

o prihvatanju inicijative Senata Univerziteta u Zenici o usvajanju Elaborata o organizovanju i finansiranju studijskog programa trećeg ciklusa studija (dokorskog studija) na Ekonomskom fakultetu Univerziteta u Zenici

Član 1.

Ovom Odlukom prihvata se inicijativa Senata Univerziteta u Zenici o usvajanju Elaborata o organizovanju i finansiranju studijskog programa trećeg ciklusa studija (dokorskog studija) na Ekonomskom fakultetu Univerziteta u Zenici, pokrenuta Odlukom, broj: 01-02-1-4374/18 od 28.11.2018. godine.

Član 2.

Sastavni dio ove Odluke čini Elaborat o organizovanju i finansiranju studijskog programa trećeg ciklusa studija (dokorskog studija) na Ekonomskom fakultetu Univerziteta u Zenici i Odluka Senata Univerziteta u Zenici o usvajanju Elaborata o organizovanju i finansiranju studijskog programa trećeg ciklusa studija (dokorskog studija) na Ekonomskom fakultetu Univerziteta u Zenici, broj: 01-02-1-4374/18 od 28.11.2018. godine.

Član 3.

Ova Odluka s prilogom Elaborata o organizovanju i finansiranju studijskog programa trećeg ciklusa studija (dokorskog studija) na Ekonomskom fakultetu Univerziteta u Zenici i Odlukom Senata Univerziteta u Zenici o usvajanju Elaborata o organizovanju i finansiranju studijskog programa trećeg ciklusa studija (dokorskog studija) na Ekonomskom fakultetu Univerziteta u Zenici, broj: 01-02-1-4374/18 od 28.11.2018. godine, dostavljaju se Ministarstvu za obrazovanje, nauku, kulturu i sport i Vladi Zeničko-dobojskog kantona na daljnje postupanje.

Član 4.

Odluka stupa na snagu danom donošenja.

Dostavljeno:

1x Osnivač putem Ministarstva za obrazovanje,
nauku, kulturu i sport Zeničko-dobojskog kantona

1x Ministarstvo za obrazovanje, nauku, kulturu
i sport Zeničko-dobojskog kantona

1x Ekonomski fakultet Univerziteta u Zenici

1x Rektor Univerziteta u Zenici

1x Prorektor za nastavu i studentska pitanja
Univerziteta u Zenici

1x Prorektor za finansije i razvoj Univerziteta u Zenici

1x Šef Službe za ekonomsko-finansijske poslove
Univerziteta u Zenici

1x 02-1

1x a/a



PREDSEDNIK UPRAVNOG ODBORA

Doc. dr. sc. Suvad Isaković



**UNIVERZITET U ZENICI
REKTORAT**

- SENAT -

Broj: 01-02-1-4374/18.

Zenica, 28.11.2018.godine

Na osnovu člana 53. Zakona o visokom obrazovanju Zeničko-dobojskog kantona ("Službene novine Zeničko-dobojskog kantona", broj: 6/09, 9/13, 13/13, 4/15 i 5/18), člana 19.a Zakona o JU Univerzitet u Zenici – Prečišćeni tekst - ("Službene novine Zeničko-dobojskog kantona", broj: 1/18), člana 63. stav (2) tačka m) Statuta Univerziteta u Zenici (Prečišćeni tekst), na prijedlog Naučno-nastavnog vijeća Ekonomskog fakulteta Univerziteta u Zenici, Senat Univerziteta u Zenici na svojoj 10. sjednici održanoj 28.11.2018. godine, donio je

ODLUKU

o usvajanju Elaborata o organizovanju i finansiranju studijskog programa trećeg ciklusa studija (dokorskog studija) na Ekonomskom fakultetu Univerziteta u Zenici

Član 1.

Ovom Odlukom usvaja se Elaborat o organizovanju i finansiranju studijskog programa trećeg ciklusa studija (dokorskog studija) na Ekonomskom fakultetu Univerziteta u Zenici i isti čini sastavni dio ove Odluke.

Član 2.

Zadužuje se Prorektor za finansije i razvoj Univerziteta u Zenici da putem Službe za ekonomsko finansijske poslove Univerziteta u Zenici obezbijedi sačinjavanje obrasca - izjava o fiskalnoj procjeni (IFP) najkasnije do sjednice Upravnog odbora Univerziteta u Zenici.

Član 3.

Odluka stupa na snagu danom donošenja i upućuje se Upravnom odboru Univerziteta u Zenici u daljnju proceduru.

Dostavljeno:

1x Ekonomski fakultet

3x Upravni odbor

1x Prorektor za finansije i razvoj

1x Služba za ekonomsko-finansijske poslove

1x a/a



PREDSJEDAVAJUĆI SENATA

Bušatlić
Prof.dr.sc. Ilhan Bušatlić



Broj: 07-38-8779-1/19
Zenica, 12.03.2020. godine

MINISTARSTVO ZA OBRAZOVANJE, NAUKU, KULTURU I SPORT

PREDMET: Mišljenje na Prijedlog Odluke o usvajanju Elaborata o pokretanju studijskog programa Poslovna ekonomija, trećeg ciklusa studija, na Ekonomskom fakultetu Univerziteta u Zenici – *dostavlja se*

Ministarstvo finansija je razmotrilo Prijedlog Odluke o usvajanju Elaborata o pokretanju studijskog programa Poslovna ekonomija, trećeg ciklusa studija, na Ekonomskom fakultetu, koji nam je dostavljen uz akt Ministarstva za obrazovanje, nauku, kulturu i sport Zeničko-dobojskog kantona, broj: 10-38-8779-1/19 od 12.03.2020. godine, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

U Obrazloženju Prijedloga Odluke o usvajanju Elaborata o pokretanju studijskog programa Poslovna ekonomija, trećeg ciklusa studija, na Ekonomskom fakultetu, navedeno je da realizacija ovog studijskog programa neće „zahtijevati nikakva dodatna finansijska sredstva iz Budžeta Zeničko-dobojskog kantona za 2020. godinu“.

U Izjavi o fiskalnoj procjeni – obrazac IFP-NE od 12.03.2020. godine, navedeno je da „Odluka o usvajanju Elaborata o pokretanju studijskog programa Poslovna ekonomija na III ciklusu studija na Ekonomskom fakultetu Univerziteta u Zenici neće iziskivati dodatna finansijska sredstva iz Budžeta ZDK za 2020. godinu.“

Prema tome, iz navedenog Obrazloženja Prijedloga Odluke i Izjave o fiskalnoj procjeni, proizilazi stav obrađivača i predlagača akta da donošenje navedene Odluke neće iziskivati dodatna finansijska sredstva iz Budžeta Zeničko-dobojskog kantona.

Imajući u vidu Obrazloženje Prijedloga Odluke i Izjavu o fiskalnoj procjeni, Ministarstvo finansija nema primjedbi iz svoje nadležnosti, s tim da je u slučaju eventualne potrebe za dodatnim sredstvima za provedbu navedene Odluke, nedostajuća finansijska sredstva obavezno je obezbijediti samo Ministarstvo za obrazovanje, nauku, kulturu i sport Zeničko-dobojskog kantona, kroz uštede ili unutrašnje preraspodjele sredstava.

S poštovanjem!

Dostavljeno:

1x Naslovu,
1x a/a.



MINISTAR

Josip Lovrić



Broj: 03-02-16218-2/19
Zenica, 04.02.2020. godine

0416

**MINISTARSTVO ZA OBRAZOVANJE,
NAUKU, KULTURU I SPORT
ZENIČKO – DOBOJSKOG KANTONA**

PREDMET: Mišljenje o prijedlogu Odluke o usvajanju Elaborata o pokretanja studijskog programa Poslovna ekonomija, trećeg ciklusa studija, na Ekonomskom fakultetu Univerziteta u Zenici - dostavlja se

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona („Službene novine Federacije BiH“ broj 8/96“ i „Službene novine Zeničko-dobojskog kantona broj: 2/05“) i članom 31. stav 1. tačka a) Poslovnika o radu Vlade Zeničko-dobojskog kantona („Službene novine Zeničko-dobojskog kantona“ broj: 5/11), te na osnovu uvida u prijedlogu Odluke o usvajanju Elaborata o pokretanja studijskog programa Poslovna ekonomija, trećeg ciklusa studija, na Ekonomskom fakultetu Univerziteta u Zenici, u postupku utvrđivanja usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Ustavni i pravni osnov prijedloga Odluke o usvajanju Elaborata o pokretanja studijskog programa Poslovna ekonomija, trećeg ciklusa studija, na Ekonomskom fakultetu Univerziteta u Zenici (u daljem tekstu: prijedlog Odluke), je u skladu sa ustavom i zakonskim ovlaštenjima Kantona za regulisanje ove materije.

Prijedlog Odluke je urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08).


Sekretarijat za zakonodavstvo se ne upušta u opravdanost potrebe pokretanja studijskog programa Poslovna ekonomija, trećeg ciklusa studija, na Ekonomskom fakultetu Univerziteta u Zenici, jer za to shodno svojim ovlaštenjima, nije nadležan.

Naime, u skladu sa odredbom člana 21. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona broj. 7/10), Sekretarijat „... vrši poslove koji se odnose na stručnu pripremu nacrti i prijedloga zakona, drugih propisa i općih akata koje Vlada predlaže Skupštini Kantona, obezbjeđivanje metodološkog jedinstva u izradi propisa i drugih općih akata i njihovu usklađenost sa Ustavom Bosne i Hercegovine, Federacije i Kantona.“

Članom 2. Uredbe o Sekretarijatu za zakonodavstvo Vlade Zeničko-dobojskog kantona („Službene novine Federacije BiH“ broj 8/96“ i „Službene novine Zeničko-dobojskog kantona broj: 2/05“) utvrđeno je da Sekretarijat „daje Vladi, sa stanovišta usklađenosti sa Ustavom i pravnim sistemom, mišljenja o nacrtima i prijedlozima zakona, drugih propisa i općih akata koje Vlada predlaže Skupštini Kantona“.

Shodno naprijed navedenom, mišljenja smo da se prijedlog odluke može uputiti u dalju procedure.

Dostavljeno:
1x Naslovu,
1 x a/a





Broj: 06/04-38-16218-1/19
Zenica, 15.11.2019. godine

MINISTARSTVO ZA OBRAZOVANJE,
NAUKU, KULTURU I SPORT
n/r Ministra

04/11

PREDMET: Mišljenje na Prijedlog Zaključka o utvrđivanju Prijedloga Odluke o usvajanju Elaborata o opravdanosti pokretanja studijskog programa Poslovna ekonomija, trećeg ciklusa studija, na Ekonomskom fakultetu Univerziteta u Zenici, dostavlja se

U skladu sa članom 31. stav 1. tačka b) Poslovnika o radu Vlade Zeničko-dobojskog kantona ("Službene novine Zeničko-dobojskog kantona", broj: 5/11), Ministarstvo za pravosuđe i upravu u postupku razmatranja usklađenosti teksta Prijedloga Zaključka o utvrđivanju Prijedloga Odluke o usvajanju Elaborata o opravdanosti pokretanja studijskog programa Poslovna ekonomija, trećeg ciklusa studija, na Ekonomskom fakultetu Univerziteta u Zenici, sa propisima:

- Zakonom o o Zakonom o organizaciji organa uprave u Federaciji Bosne i Hercegovine («Službene novine Federacije Bosne i Hercegovine» broj 35/05);
- Zakonom o državnoj službi u Federaciji Bosne i Hercegovine («Službene novine Federacije Bosne i Hercegovine», broj: 29/03, 23/04, 39/04, 54/04, 67/05, 8/06 i 4/12), koji se u skladu sa Zakonom o preuzimanju Zakona o državnoj službi u Federaciji Bosne i Hercegovine («Službene novine Zeničko-dobojskog kantona», broj: 3/12) primjenjuje kao kantonalni zakon;
- Zakonom o namještenicima u organima državne službe u Federaciji Bosne i Hercegovine («Službene novine Federacije Bosne i Hercegovine», broj: 49/05);
- Zakonom o kantonalnim ministarstvima i drugim tijelima uprave («Službene novine Zeničko-dobojskog kantona», broj 10/15);
- Zakonom o prekršajima u Federaciji Bosne i Hercegovine («Službene novine Federacije Bosne i Hercegovine» broj 63/14);
- Evropskom konvencijom o ljudskim pravima i osnovnim slobodama,
- Uredbom iz poslova osnovne djelatnosti iz nadležnosti organa državne službe koje obavljaju državni službenici, uslovima za vršenje tih poslova i ostvarivanju određenih prava iz radnog odnosa («Službene novine Federacije Bosne i Hercegovine», broj: 35/04, 03/06, 19/12, 8/14, 23/17);
- Uredbom o dopunskim poslova osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici («Službene novine Federacije Bosne i Hercegovine», broj: 69/05 i 29/06);
- Uredbom o načelima za utvrđivanje unutrašnje organizacije kantonalnih i općinskih organa uprave i upravnih organizacija («Službene novine Zeničko-dobojskog kantona», broj 8/06), konstatuje sljedeće

Prijedlog Zaključka o utvrđivanju Prijedloga Odluke o usvajanju Elaborata o opravdanosti pokretanja studijskog programa Poslovna ekonomija, trećeg ciklusa studija, na Ekonomskom fakultetu Univerziteta u predloženom tekstu ne sadrži odredbe navedenih propisa na koje u skladu sa članom 11. stav (2) Zakona o kantonalnim ministarstvima i drugim tijelima kantonalne uprave ("Službene novine Zeničko-dobojskog kantona", broj: 10/15) Ministarstvo za pravosuđe i upravu daje mišljenje.

S poštovanjem.

Dostaviti:

1x Naslov,

1x Sektor za upravu i sprovođenje Strategije za borbu protiv korupcije

1x a/a



MINISTAR

Nebojša Nikolić
Nebojša Nikolić

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

Razdjel	KOD	NAZIV
2204010		ODLUKA O PRIHVATANJU ELABORATA O POKRETANJU STUDIJSKOG PROGRAMA POSLOVNA EKONOMIJA

B 2. Osnovni podaci o prijedlogu propisa

Vrsta propisa/akta	Zakon	NE	Odluka	DA	Strategija	NE
Naziv propisa/akta	Uredba	NE	Drugi akti	NE	Drugi akti planiranja	NE


C 3. Izjava o nepostojanju dodatnih fiskalnih efekata predloženog propisa

Odluka o usvajanju Elaborata o pokretanju novog studijskog programa Poslovna ekonomija na III ciklusu studija na Ekonomskom fakultetu Univerziteta u Zenici neće iziskivati dodatna finansijska sredstva iz Budžeta ZDK za 2020. godinu.

D 4. Pečat i potpis odgovornog lica obrađivača, odnosno predlagača propisa

Mjesto i datum

12.03.2020



	UNIVERZITET U ZENICI EKONOMSKI FAKULTET	
---	--	---

ELABORAT O POKRETANJU STUDIJSKOG PROGRAMA

1. OPĆE INFORMACIJE		
1.1. Naziv studijskog programa	POSLOVNA EKONOMIJA	
1.2. Šef/voditelj studijskog programa	Prof. dr. sc. Rifet Đogić	
1.3. Nivo studijskog programa		I ciklus: Dodiplomski
		II ciklus: Postdiplomski
	X	III ciklus: Doktorski
1.4. Akademski/ naučni/ stručni naziv po završetku studija	DOKTOR EKONOMSKIH NAUKA	

2. UVOD	
2.1. Razlozi za pokretanje studija	Ekonomski fakultet Univerziteta u Zenici je moderna visokoškolska ustanova koja zauzima važno mjesto u sektoru visokog obrazovanja u BiH, regiji i Evropi. Ekonomski fakultet obrazuje poslovne lidere koji će moći odgovoriti stalnim izazovima poslovne prakse i akademske stručnjake koji razvijaju i unapređuju znanja iz oblasti ekonomije. Realizacijom obrazovnih programa usklađenih sa najsavremenijim trendovima iz oblasti ekonomskih nauka Ekonomski fakultet Univerziteta u Zenici će do 2020. godine postati jedna od vodećih visokoškolskih ustanova u sektoru visokog obrazovanja u regiji Jugoistočne Evrope. Studijski program na III ciklusu studija u oba svoja modula je kompatibilan sa studijskim programima I i II ciklusa studija Ekonomskog fakulteta Univerziteta u Zenici. Realizacijom studijskog programa na III ciklusu studija Poslovna ekonomija, studenti koji su uspješno savladali prethodna dva ciklusa studija i stekli akademsko zvanje mastera ekonomije – 300 ECTS bodova, stekli bi mogućnost nastavka akademskog obrazovanja na doktorskim studijima, tj. na III ciklusu studija. Studenti sa diplomom Ekonomskog fakulteta Univerziteta u Zenici, sa izgrađenim kompetencijama i međunarodno priznatom diplomom (veliki broj naših studenata nastavio je školovanje na studijima II i III ciklusa studija u Austriji, Njemačkoj, Srbiji, Crnoj Gori, Hrvatskoj, Sloveniji i drugim zemljama), mogu se zaposliti u javnom sektoru, poslovnom nefinansijskom i finansijskom sektoru, samozapošljavanjem pokretanjem vlastitog biznisa. Imajući u vidu velik broj javnih i privatnih fakulteta u okruženju, vrlo ubrzo diploma Ekonomskog fakulteta Univerziteta u Zenici postaje brend. Ona je to već sad ako se posmatra uže okruženje jer to potvrđuju naši diplomirani ekonomisti, masteri ekonomije, magistri ekonomskih nauka i doktori ekonomskih nauka koji upravljaju finansijskim institucijama, institucijama Zeničko-dobojskog kantona i Federacije Bosne i Hercegovine, te javnim i privatnim preduzećima.

2.2. Procjena svrsishodnosti s obzirom na potrebe tržišta rada u javnom i privatnom sektoru	Dramatične promjene nakon globalne finansijske i ekonomske krize i zahtjeva privredne prakse za novim profilima stručnjaka, usloveli su i brzi odgovor Ekonomskog fakulteta Univerziteta u Zenici koji kroz ovaj studijski program nudi novi model visokog obrazovanja na trećem ciklusu studija, usklađen sa zahtjevima bolonjske deklaracije i iskazanim potrebama realnog sektora. Uslovi u kojima je fakultet postojao i opstajao permanentno su nametali potrebu školovanja stručnjaka iz oblasti savremenog poslovanja kao što su: menadžment, preduzetništvo, bankarstvo, marketing, računovodstvo, revizija, poslovne finansije, osiguranje, ljudski resursi, poslovna informatika, ekonomska analiza i politika, međunarodna ekonomija, itd. Uporedo sa time, Ekonomski fakultet je davao potrebna znanja za naučna istraživanja u raznim oblastima savremene ekonomske nauke. Sa težnjom ka uspostavljanju izvrsnosti u visokom obrazovanju, studij na III ciklusu studija, tj. na doktorskim studijima buduće doktore ekonomskih nauka osposobit će za napredna istraživanja i primjenu savremene matematičko-statističke aparature za sprovođenje složenih, multidisciplinarnih istraživanja, kao i za kritički osvrt i analizu postojećih teorija iz oblasti ekonomije i menadžmenta, s ciljem otkrivanja novih saznanja i razvoja nauke. Sa naučnim zvanjem doktora ekonomskih nauka, svršeni studenti biće osposobljeni za samostalni i timski naučnoistraživački rad u naučnoistraživačkim institutima, institucijama visokog obrazovanja, razvojnim centrima, institucijama i organizacijama vladinog i nevladinog sektora, međunarodnim projektnim timovima kao i u realnom finansijskom i nefinansijskom poslovnom sektoru. Također, biće osposobljeni da upravljaju razvojnim projektnim timovima i da rukovode preduzećima i institucijama u svim sektorima.
2.3. Usklađenost s misijom i strategijom OJ/Univerziteta	Misija Ekonomskog fakulteta je edukacija i osposobljavanje visokoobrazovnog akademskog i stručnog kadra, razvoj tržišno orijentisanih kompetencija studenata, kao i naučnoistraživački rad i saradnja na državnom, regionalnom i međunarodnom nivou sa naučnoistraživačkim institucijama, vladinim i nevladinim institucijama i privredom. Ekonomski fakultet realizira svoju misiju kroz osposobljavanje studenata da postanu istinski poslovni lideri koji mogu odgovoriti stalnim izazovima poslovne prakse. Uz redovno inoviranje nastavnih planova i programa Ekonomski fakultet Univerziteta u Zenici nudi obrazovanje koje je uvijek u skladu sa savremenim trendovima u ekonomiji. Misija Fakulteta se ogleda i u formiranju i razvoju vlastitih kadrova kao i unapređivanju naučno-istraživačkog rada kroz djelovanje Ekonomskog instituta i Ekonomsko-poslovnog savjeta
2.4. Uporedivost studijskog programa s programima drugih visokoškolskih ustanova u BiH i šire	Studijski program koncipiran je na osnovu dosadašnjih iskustava u organiziranju poslijediplomskih studija i studija II Ciklusa, kao i na načelima provođenja postupaka za sticanje doktorata nauka po sistemu prijave, izrade i odbrane doktorske disertacije. Ovaj doktorski studij se po prvi put realizira na ovakav način. Njegove osnovne karakteristike su: full-time angažman tokom trogodišnjeg trajanja studija, dominantno učešće istraživačkih sadržaja, te učešće eminentnih profesora iz Bosne i Hercegovine i inostranstva u izvođenju dijela nastave i to pretežno sa Ekonomskih fakulteta Univerziteta u Sarajevu, Tuzli, Banja Luci i Kragujevcu koji imaju sličan uporediv studijski program trećeg ciklusa. Studij se organizira kao jedinstveni-integralni studijski program sa dva modula (dva smjera), a završava javnom odbranom doktorske disertacije.
2.5. Povezanost s lokalnom zajednicom (privreda, javne institucije)	Ekonomski fakultet Univerziteta u Zenici je moderna visokoškolska ustanova koja zauzima važno mjesto u sektoru visokog obrazovanja u BiH, regiji i Evropi. Ekonomski fakultet obrazuje poslovne lidere koji će moći odgovoriti stalnim izazovima poslovne prakse i

	akademske stručnjake koji razvijaju i unapređuju znanja iz oblasti ekonomije. Realizacijom obrazovnih programa usklađenih sa najsavremenijim trendovima iz oblasti ekonomskih nauka Ekonomski fakultet Univerziteta u Zenici će do 2020. godine postati jedna od vodećih visokoškolskih ustanova u sektoru visokog obrazovanja u regiji Jugoistočne Evrope. Razvoj ekonomske nauke kao i stalno mijenjanje i usložnjavanje poslovnog okruženja nameće potrebu kontinuirane inovacije i osavremenjivanja postojećih nastavnih planova i programa. Pored toga, na Ekonomskom fakultetu je prepoznata potreba izrade novih studijskih programa čime bi se budućim studentima ponudila mogućnost izbora više studijskih programa, prema njihovim interesovanjima i sklonostima, ali i zahtjevima privrede. Tako, Ekonomski fakultet u akademskoj 2016/2017.g. pored dva postojeća studijska programa na drugom ciklusu studija pokreće još dva nova i to: ekonomski razvoj i politika i poslovne i javne finansije. Doktorski studij će još više obogatiti studijske programe na Univerzitetu u Zenici i omogućiti čvršću vezu sa privredom kao i sa ostalim javnim institucijama u Bosni i Hercegovini.
2.6. Ostalo	Glavni cilj Ekonomskog fakulteta Univerziteta u Zenici je da postane lider iz oblasti visokog obrazovanja i naučnoistraživačkog rada u okvirima Federacije Bosne Hercegovine, i šire, u regionalnom kontekstu. Specifični ciljevi Ekonomskog fakulteta Univerziteta u Zenici su: 1. Organizovanje trećeg ciklusa studija (dokorskog studija) od akademske 2017/2018.godine. 2. Kontinuirano unapređenje kvaliteta nastavnog procesa na I, II, III ciklusu studija, usklađenog zahtjevima realnog sektora i principima bolonjskog procesa. 3. Poboljšanje kompetencija nastavnog i saradničkog osoblja i izlaznih kompetencija studenata stalnim inovacijama u nastavnom procesu i naučnoistraživačkom radu i učestvovanjem u međunarodnim projektima. 4. Jačanje međunarodne saradnje i pozicije Ekonomskog fakulteta Univerziteta u Zenici u inostranstvu. Ekonomski fakultet Univerziteta u Zenici posjeduje sve tehničko-prostorne i kadrovske pretpostavke za školovanje studenata na sva tri ciklusa studija.

3. OPĆI DIO	
3.1. Naučno/umjetničko područje studijskog programa	Društvene nauke - Ekonomija i biznis
3.2. Trajanje studijskog programa (postoji li mogućnost studiranja na daljinu, vanrednog studija i sl.)	Doktorski studij traje tri studijske godine, odnosno šest semestara.
3.3. Minimalni broj ECTS bodova potreban za završetak studija	Doktorski studij se vrednuje sa 180 ECTS bodova.
3.4. Uslovi upisa na studij	Pravo upisa na doktorski studij imaju kandidati sa završenim II (drugim) ciklusom studija ili ekvivalenta (akadenskog zvanja magistra) iz odgovarajuće naučne oblasti (magistar ekonomije ili magistar ekonomskih nauka). Kandidat za upis mora biti osposobljen služiti se naučnom i stručnom literaturom na jednom od svjetskih jezika, što prije upisa dokazuje uvjerenjem da je odslušao najmanje drugi stepen kursa stranog jezika ili fakultativno slušao strani jezik na studiju I (prvog) ili II (drugog) ciklusa. Kandidatima za upis, koji su stekli titulu magistra ekonomskih nauka prije uvođenja Bolonjskog sistema trocikličnog studija iz oblasti koje su relevantne za oblast iz koje se organizuje doktorski studij priznaje se (šezdeset) ECTS bodova i pravo upisa u drugu godinu dokorskog studija, s tim

	što imaju obavezu polagati dva opća zajednička predmeta (ekonometrija, savremene kvantitativne i kvalitativne metode u ekonomskim istraživanjima) koji su preduslov za polaganje ostalih predmeta i ispunjavanje obaveza iz ostalih nastavnih aktivnosti. Magistru ekonomskih nauka se priznaje 60 ECTS na osnovu odluke Vijeća doktorskog studija a na bazi prethodno podnesenog zahtjeva u kojem kandidat navodi elemente strukture doktorskog studija za koje želi iskoristiti priznatih 60 ECTS (npr. oslobađanje polaganja trećeg obaveznog modularnog predmeta, oslobađanje polaganja dva izborna predmeta, sticanje odgovarajućeg broja ECTS za samostalni naučno-istraživački rad). Kandidati, koji su prethodni stepen obrazovanja završili u inozemstvu, stječu pravo učešća na konkursu uz prethodno proveden postupak nostrifikacije stečene diplome odnosno postupak priznavanja stečenog obrazovanja u inozemstvu.
3.5. Ishodi učenja	Cilj doktorskog studija je osposobljavanje kandidata za stjecanje specijalističkih znanja iz užeg područja ekonomskih nauka iz kojeg kandidat priprema završni/doktorski rad/disertaciju (u daljnjem tekstu: doktorski rad), za korištenje naučnih metoda i istraživačkih tehnika u užem području istraživanja, za kreativno rješavanje kompleksnih problema iz prakse, odnosno osposobljavanja za daljnji naučnoistraživački rad. Izučavanjem obaveznih predmeta studenti doktorskog studija ovladat će savremenom metodologijom naučnog istraživanja, kao i modernim kvantitativnim i kvalitativnim metodom istraživanja. Izučavanjem izbornih predmeta i izradom seminarskih/pristupnih radova iz oblasti doktorskog rada, studenti doktorskog studija ovladat će najvišim nivoom znanja o tematici određenog užeg naučnog područja. Sa težnjom ka uspostavljanju izvrsnosti u visokom obrazovanju, studij na III ciklusu studija, tj. na doktorskim studijima buduće doktore ekonomskih nauka osposobit će za napredna istraživanja i primjenu savremene matematičko-statističke aparature za sprovođenje složenih, multidisciplinarnih istraživanja, kao i za kritički osvrt i analizu postojećih teorija iz oblasti ekonomije i menadžmenta, s ciljem otkrivanja novih saznanja i razvoja nauke. Sa naučnim zvanjem doktora ekonomskih nauka, svršeni studenti biće osposobljeni za samostalni i timski naučnoistraživački rad u naučnoistraživačkim institutima, institucijama visokog obrazovanja, razvojnim centrima, institucijama i organizacijama vladinog i nevladinog sektora, međunarodnim projektnim timovima kao i u realnom finansijskom i nefinansijskom poslovnom sektoru. Također, biće osposobljeni da upravljaju razvojnim projektnim timovima i da rukovode preduzećima i institucijama u svim sektorima.
3.6. Mogućnost zapošljavanja (popis mogućih poslodavaca) i mišljenje organizacija vezanih za tržište rada o primjerenosti predviđenih ishoda učenja (priložiti)	Studijski program na III ciklusu studija u oba svoja modula je kompatibilan sa studijskim programima I i II ciklusa studija Ekonomskog fakulteta Univerziteta u Zenici. Realizacijom studijskog programa na III ciklusu studija Poslovna ekonomija, studenti koji su uspješno savladali prethodna dva ciklusa studija i stekli akademsko zvanje mastera ekonomije – 300 ECTS bodova, stekli bi mogućnost nastavka akademskog obrazovanja na doktorskim studijima, tj. na III ciklusu studija. Studenti sa diplomom Ekonomskog fakulteta Univerziteta u Zenici, sa izgrađenim kompetencijama i međunarodno priznatom diplomom (veliki broj naših studenata nastavio je školovanje na studijima II i III ciklusa studija u Austriji, Njemačkoj, Srbiji, Crnoj Gori, Hrvatskoj, Sloveniji i drugim zemljama), mogu se zaposliti u javnom sektoru, poslovnom nefinansijskom i finansijskom sektoru, samozapošljavanjem pokretanjem vlastitog biznisa. Imajući u vidu velik broj javnih i privatnih fakulteta u okruženju, vrlo ubrzo diploma Ekonomskog fakulteta Univerziteta u Zenici postaje brend.

	Ona je to već sad ako se posmatra uže okruženje jer to potvrđuju naši diplomirani ekonomisti, masteri ekonomije, magistri ekonomskih nauka i doktori ekonomskih nauka koji upravljaju finansijskim institucijama, institucijama Zeničko-dobojskog kantona i Federacije Bosne i Hercegovine, te javnim i privatnim preduzećima.
3.7. Mogućnost nastavka studija	Treći ciklus je finalni ciklus studija, ali otvara mogućnost dalje usavršavanja na postdoktorskim studijima.
3.8. Kod prijave SP II i III ciklusa navesti dodiplomske studije predlagača ili drugih ustanova u BiH s kojih je moguć upis na predloženi studij	Završen drugi ciklus, Ekonomski fakultet Univerziteta u Zenici: <i>SP Menadžment preduzeća</i> <i>SP Računovodstveno-revizijski menadžment</i> <i>SP Ekonomski razvoj i politika</i> <i>SP Poslovne i javne finansije</i> Završen drugi ciklus, Ekonomski fakultet Univerziteta u Sarajevu: <i>SP Ekonomija</i> <i>SP Menadžment</i> <i>SP Islamić banking</i> <i>SP Bankarstvo i finansijski menadžment</i> <i>SP Računovodstvo i revizija</i> <i>SP Javi sektor i ekonomija okoliša</i> <i>SP Menadžment i informacioni sistemi</i> <i>SP Turizam</i> Završen drugi ciklus, Ekonomski fakultet Univerziteta u Tuzli: <i>SP Ekonomija</i> <i>SP Poslovna ekonomija</i> Završen drugi ciklus, Ekonomski fakultet Univerziteta u Banja Luci: <i>SP Finansije, bankarstvo i osiguranje</i> <i>SP Finansije i revizija javnog sektora</i> <i>SP Međunarodna ekonomija</i> <i>SP Poslovna ekonomija</i> <i>SP Aktuarstvo</i>

4. OPIS STUDIJSKOG PROGRAMA

4.1. Popis obaveznih i izbornih predmeta s brojem sati nastave potrebnih za njihovu izvedbu i brojem EC(A)TS bodova-nastavni plan (prilog: Tabela 2)

4.2. Opis svakog predmeta-nastavni program (prilog: Tabela 3)

4.3. Struktura studija (broj semestara, veličina grupa za predavanja i vježbe/seminare)

Studij trećeg ciklusa organizuje se u trajanju od tri godine (6 semestra) po Bolonjskom sistemu 4+1+3.

Nastavni proces se izvodi kroz predavanja, seminare, konsultacije, te druge utvrđene oblike nastave.

Struktura doktorskog studija:

Predmeti (3 obavezna +2 izborna)
Samostalni naučno-istraživački rad.
Doktorski rad (priprema prijave, izrada i odbrana rada)

Dužina trajanja svakog semestra je 15 sedmica. Veličina grupa definirana je Standardima i normativima za oblast visokog obrazovanja (Federacije) i Ze-Do kantona.

Studijski program doktorskog studija realizuje se kombinovanjem utvrđenih oblika kontakt sati nastave, istraživačkog rada, koji se organizuju u skladu s karakterom studijskog programa, odnosno utvrđivanjem predviđenog raspona ukupnog opterećenja u pojedinom semestru ili akademskoj godini studija.

	Po pravilu, nastava se organizuje u I (prvom) i II (drugom) semestru studija, dok su III (treći), IV (četvrti), V (peti) i VI (šesti) semestar studija predviđeni za izbor i definisanje uže naučne oblasti ili discipline istraživanja, istraživačke teme, definisanje izrade okvirnog koncepta teme i njenu prijavu u vidu obrazloženog projekta doktorskog rada, kao i prijavu, izradu i odbranu doktorskog rada. Nastavni proces se realizuje kroz predavanja, mentorske konsultacije, praktični i eksperimentalni rad, samostalni naučno-istraživački rad studenta te druge utvrđene oblike. Nastava se izvodi ako na jednom predmetu ima najmanje tri ili više studenata. Konsultativna (mentorska) nastava obavezno se izvodi ako predmet sluša manje od tri studenta ili ako je ovakav vid nastave nužno organizovati zbog prirode (karaktera) studija. Odluku o načinu izvođenja nastave, koja će se organizovati, donosi NNV fakulteta na prijedlog Vijeća za doktorski studij.				
4.4. Uslovi upisa u sljedeći semestar	Obim studijskog programa iznosi 60 (šezdeset) ECTS bodova u jednoj studijskoj godini, odnosno 30 (trideset) bodova u jednom semestru. Svi oblici nastavnog procesa, u skladu sa studijskim programom i nastavnim planom i programom vrednuju se sa određenim brojem ECTS bodova. Ocjenjivanje studenata vrši se neprekidnim praćenjem rada studenta i na osnovu ECTS bodova stečenih izvršavanjem predispitnih obaveza, te polaganjem ispita, odnosno izvršavanjem i drugih obaveza utvrđenih studijskim programom. Student koji u toku studijske godine ne ostvari 60 ECTS bodova, može prenijeti u narednu godinu studija 10 ECTS bodova ili najviše jedan nastavni predmet/ekvivalent drugih obaveznih oblika nastavnog procesa, ukoliko su vrednovani i sa više od 10 ECTS bodova. Student koji ne ispuni uslov za upis u narednu studijsku godinu u obnovljenoj godini studija izvršava preostale obaveze, bez obaveze ponovnog pohađanja nastave.				
4.6. Popis predmeta i/ili modula koji će se izvoditi i na stranom jeziku (navesti jezik)	Nema.				
4.7. Završetak studija:					
a) Način završetka studija		Nema završnog rada			
		Završni rad			
	X	Diplomski	Magistarski	Doktorski	
b) Uslovi za odbranu završnog/diplomskog rada	Studij trećeg ciklusa završava se polaganjem svih ispita, izradom samostalnih naučnoistraživačkih radova te izradom i javnom odbranom doktorskog rada u skladu sa studijskim programom i Statutom Univerziteta. Uz disertaciju doktorant prilaže izvještaj mentora o spremnosti rada za ocjenu i odbranu kao i dokaz da je objavio ili da mu je prihvaćen najmanje jedan naučni rad iz oblasti teme doktorske disertacije kao uslov da može pristupiti odbrani doktorske disertacije. Relevantnim radom smatra se rad objavljen u međunarodnim časopisima indeksiranim u međunarodnim bibliografskim bazama <i>Web of Science (SCIE - Science Citation Index Expanded, SSCI - Social Sciences Citation Index, Arts and Humanities Citation Index, Conference Proceedings Citation Index, Index Chemicus indexes, Current Chemical Reactions), EBSCO Databases, Scopus Databases, MEDLINE - Medical Literature Analysis and Retrieval System Online</i> ili drugim relevantnim bazama podataka iz oblasti teme doktorskog rada, što je uvjet da može pristupiti odbrani doktorskog rada.				

c) <i>Postupak odbrane završnog/diplomskog rada</i>	NNV fakulteta na prijedlog Vijeća za doktorski studij utvrđuje prijedlog komisije za ocjenu doktorske disertacije od 3 ili 5 članova iz reda nastavnika izabranih u zvanje redovnog profesora, vanrednog profesora ili profesora emeritusa od kojih je većina iz oblasti doktorske disertacije i dostavlja ga Senatu Univerziteta. Jedan od članova komisije, u pravilu je sa drugog univerziteta. Senat Univerziteta imenuje komisiju za ocjenu doktorske disertacije. Mentor/komentor ne može biti predsjednik Komisije. Komisija za ocjenu doktorske disertacije, nakon što rad pregleda, podnosi NNV fakulteta, pismeni izvještaj u roku koji ne može biti duži od 60 dana od dana imenovanja komisije. Komisija za ocjenu doktorske disertacije obavezna je u izvještaju navesti da je kandidat u toku dokorskog studija, iz oblasti teme doktorske disertacije, objavio ili da mu je prihvaćen najmanje jedan naučni rad u međunarodnim časopisima indeksiranim u međunarodnim bibliografskim bazama <i>Web of Science</i>. U Izvještaju komisija će predložiti da se doktorska disertacija prihvati, odbije ili vrati na dopunu, odnosno izmjenu. Ukoliko se doktorska disertacija vrati na dopunu, odnosno izmjenu, doktorant je dužan postupiti po odluci NNV fakulteta, u roku od šest mjeseci od dana prijema odluke, u protivnom će se smatrati da je kandidat odustao od studija. U slučaju da NNV fakulteta odbije doktorsku disertaciju, kandidat gubi status studenta dokorskog studija, a prijavljena tema se registrira kao odbijena. Odbijenu temu doktorske disertacije kandidat ne može ponovo prijaviti. Nakon prihvatanja Izvještaja komisije o ocjeni doktorske disertacije od strane NNV fakulteta, Senat Univerziteta donosi konačnu odluku o prihvatanju rada, te na istoj sjednici određuje datum i vrijeme odbrane doktorske disertacije. Procedura odbrane doktorske disertacije definisana je postojećim Pravilnikom o organizovanju dodiplomskog, postdiplomskog i dokorskog studija.
--	---